



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

20 Novembru 2013

Komisaun A Parlamentu Nasionál hatudu dinámika pozitivu iha aspeitu observasaun krítiku ba programa governu durante debate ba Orsamentu Estadu ba 2014

JSMP apresia komitmentu polítika Komisaun A Parlamentu Nasionál iha prosesu diskusaun ba ezekusaun Orsamentu 2013 no proposta Orsamentu Estadu 2014. JSMP observa katak membru Komisaun A tomak tantu husi Bloku Koligasaun Maiória Parlamentár nomos Fretilin hotu-hotu ativu tebe-tebes halo krítikas inklui kontribui sujestaun ne'ebé konstrutivu ba iha entidade hirak ne'ebé tama iha sira nia área kompentesia.

JSMP nota katak iha mudansa barak husi deputadu Parlamentu sira tantu husi pozisaun polítiku nomos husi sira nia komitmentu atu bele asigura programa governu nian hodi servi interese nasional. Deputadu sira ativu hodi krítika kualker atividade ne'ebé tuir sira nia koñesimentu la atinje planu OJE 2013 no ejize justifikasaun detallu ba planu OJE 2014 nian.

“Ne'e passu ida ne'ebé kontributivu tebe-tebes, basá deputadu sira komesa haketak interese partidaria liu-liu husi bloku governu nian atu bele asileira dezvoltamentu ida ne'ebé refleta interese povu tomak nian,” dehan Diretór Interino JSMP, Casimiro dos Santos.

Maske nune'e JSMP nota katak membru Komisaun A sira nafatin hetan defikuldade ba iha serteza no klareza husi implemetasaun programa estadu nian. Liu-liu ba projetu fiziku tanbá sira rasik la konsege fiskaliza hotu programa sira ne'e iha terenu. Ne'e akontese tanbá ekipa komisaun especializadas to'o agora laiha ajenda fiskalizaun ne'ebé aprosimadu ho programa Orsamentu Jerál Estadu ba entidade sira ne'ebé tama iha sira nia kompentensia.

“ JSMP enkoraza Komisaun Espesializa sira iha Parlamentu Nasionál atu integra sira nia agenda fiskalizaun ba programa governu nia iha futuru atu asegura katak planu no programa governu nia lao ho efikas no refleta duni planu orsmentu ne'ebé planeiada tiha ona,” dehan, Diretór interino JSMP, Casimiro dos Santos.

Komisaun A rasik remata ona sira nia audiénsia ho orgaun estadu ne'ebé tama iha sira nia área kompentensia durante semana rua, hahu husi lora 6 to'o 14 Novembru 2013. Agora dadaun Komisaun A tama ona ba preparasaun relatóriu paraser ba iha Komisaun C, PN ba asuntu Ekenomia no Finansa nian.

Atu hetan informasaun kompleitu, favor kontaktu:

Casimiro dos Santos

Diretór Interino JSMP

Diresaun e-mail: santos.cas76@gmail.com

info@jsmp.minihub.org

Telefone:3323883 | 77257466

Website: www.jsmp.tl

Face book: www.facebook.com/timorleste.jsmp

Twitter: @JSMPtl